

atque *actio*, *productio* &c. dici meretur: cur causis secundis id denegari possit, suo modo id peragentibus, non video.

Quod si ad alia te convertas, ac dicas, *magnam stultitiam esse rerum Deum facere effectorem*, *causas rerum non querere*: quin & philosopho indignum esse ad Deum recurrere, ubi difficultas aliqua sistitur, quam superare non possumus. Maxime, inquam; nec *Deus inter sit*, nisi dignus vindice nodus extiterit. Enimvero quocumque te veritas, in eas salebras impinges, quæ gradum referre cogent: ceterum, si quid novisti rectius istis, candidus imperti; si non, his utere mecum.

## CAPUT SEPTIMUM.

*Dé Idearum Origine, & Natura.*

**M**onitis obsecundantes, quæ prudentissime Jatquierius metaphysicis præbet (389), questionem de origine idearum intellectus nostri limites longè excedere; historicè tantum, quæ in hoc argumentum a philosophis congesta sunt, expendemus; quin aut alicui sententia calculum adjungamus, aut melius aliquid in medium preferre tentemus. „Tu vero ne ista asciveris, neve fueris commentitiis rebus assensus: nihil sentire est melius, quam tam prava sentire. Non ergo id agitur, ut aliquid assensu meo comprobem, quæ tu vide, ne imprudenter etiam postules, non solum arroganter, præsertim quum ista tua mihi ne probabilitia videantur... sed cur rapior in invidiam? licetne per vos nescire, quod nescio? „, aiebat Cicero in Lucul. c. 40. 41.

430 Animam pollere facultate ideas formandi, jam art. 329 statuimus, a conscientiæ testimonio id derivantes. Quatuor autem modis hujusmodi perceptiones effici, ac animæ sisti interiori tactu cognoscimus. Et primò quidem dum res sensibiles nobis præsentes sensuum organa pulsant, animamque quodammodo concutunt. 2. Dum sensibilità objecta, quæ quondam animam excitarunt, quamvis præsentia non sint, iterum ipsi repræsentatur. 3. Insensibilia objecta quadam forma corporea veluti induta videre etiam interdum in penetralibus animæ nostre solemus. 4. Demum objecta insensibilia omni imagine corporeâ destituta etiam percipimus. Primi generis ideas a sensibus provenire, sive ope sensuum acquiri, indubium est: secundi, & tertii generis a phantasia antiquas sensationes renovante provenire, jam art. 353 statuimus.

431 Ad perceptiones objectorum insensibilium, quod attinet, reflexione, attentione, ratiocinio, abstractione a-

men-

mente formari credunt, qui innatas ideas, modò explicandas, aut causas occasioales non admittunt; remque hoc exemplo illustrant. Postquam ratiocinio mens nostra eruit, existere oportere aliquod ens necessarium, quod res contingentes ad existendum determinet; ideo hujus entis abstractendo sibi formare nititur hoc modo. Res creatas perfectionibus prædictas considerans, & perfections ab imperfectionibus, quibus necessariò admixta sunt, separans, ac in immensum augens; illud, quod entium contingentium causam primam esse comperit, his veluti circumvestit, eique adjudicat; ex quo entis necessarii infinitè perfecti ideo sibi comparat, perfections ab imperfectionibus segregando. Simili methodo ideas universales a mente excupli docuimus. Log. art. 15.

432 Schol. Si idea vocabulo id solum intelligas, quod imaginem quamdam objecti sistit; certum videtur, dari posse sensations ab ideis disjunctas. Odor, sonus, frigus, calor &c. quorum sensations in anima excitarentur, remotis objectis, a quibus proficiscuntur, nullam imaginem talis sensationis in anima depingerent. Entium pariter abstractorum ideas, rerum moralium &c. sine corpora ulla sensione actu existente ab anima effici videntur. Ceterum sensations plerumque ideis conjunctas esse, quotidiana experientia comprobamus.

433 Certum omnino videtur, animam objecta externa videre in imaginibus, sive ideis quæ interius ab extrinsecis pulsionibus formantur. Quomodo autem hujusmodi ideas in anima conformentur, quæ vim representativam habeant, veluti pictura, rerum, cujus sunt imagines? Sint necne hujusmodi imagines ab ipsa animi perceptione distinctæ? En argumentum, quod omnium philosophorum ingenia torsit; ac in posterum etiam vexabit, si ea velint perscrutari, quæ obscuritate sunt involuta natura. Ea opinionum brevem expositionem. „Utinam tam facile vera invenire possem, quam falsa convincere.“

434 Democritus, & qui ab eo suam philosophiam mutuavit Epicurus, simulacra quædam subtilissima, ac oculorum aciem effugientia a rebus omnibus continentे jaculari, & quaquaversum emitte existimarent; a quibus in interiorum animi sedem admissis, ac animi substantiæ veluti insculptis, visionem, perceptionem &c. criti existimarent. Hanc etiam sententiam peripatetici specierum impressarum, ac expressarum nomine donatam, in scenam protulerunt. Species impressa per ipsos est imago illa, quæ per sensus transmeans, ad animam tandem appellit, ac intimè unitur; velut quum æra lamina imagine insculpta chartæ applicatur. Ex hac intima unitione hujus incunclaz cum anima species expressa exalpitur, quam substan-

tzam. II.

5

titia

## DISSERTATIO III.

tia mentis, cui unitur ex hoc typo impresso velut expressam representat. Consulem Lucretium lib. 4. de Rerum natura, ubi venuste hanc sui Epicuri, poeta quidem dignam, philosophum parum decentem sententiam expavit, versu 726.

Nunc age quæ moveant animum res, accipe; & unde,  
Quæ veniunt, veniant in mentem, percipe paucis.  
Principio hoc dico rerum simulacula vagari  
Multæ modis multis in cunctæ undique partes.  
Tenvia, quæ facile inter se junguntur in auris,  
Obvia quum veniunt, ut aranea, bracteaque auri;  
Quippe & enim mulæ magis bæc sunt tenvia textu,  
Quam quæ percipiunt oculos, visuunque lacesunt;  
Corporis bæc quoniam penetrant per rara, cincteque  
Tenvem animi naturam intus, sensumque lacesunt.  
Centauras itaque, & Scyllarum membra videmus,  
Corbereasque canum facies, simulacraque eorum,  
Quorum morte obita tellus amplectitur ossa:  
Omne gentis quoniam passim simulacula feruntur;  
Partim sponte sua quæ flunt aere in ipso;  
Partim quia variis ab rebus cunque recedunt;  
Et qua consistunt ex horum facia figuris;  
Nam certè ex vivo centauri non fit imago:  
Nulla fuit quoniam talis natura animalis.  
Verum ubi equi atque hominis casti convenit imago,  
Haerescit facile exemplo, quod diximus ante,  
Propter subtilem naturam, & tenuia texta.  
Cetera de genere hoc eodem ratione creantur.  
Quæ quum mobiliter summa levitate feruntur,  
Ut prius ostendi; facile unum commovet istu  
Qualibet una animum nobis subtilis imago:  
Tenuis enim mens est, & mirè mobilis ipsa &c.

435 Sententiam hanc luculenter confutat Cotta in 1. de Natura Deor. cap. 26. „Quæ autem, ait, istæ imagines vestræ, aut unde? A Democrito omnino hæc licentia. Sed & ille reprehensus a multis est, nec vos exitum repetitis, totaque res vacillat, & claudicat. Nam quid est, quod minus probari possit, quam omnium in me incidere imagines Homeri, Archilochi, Romuli, Numæ, Pythagoræ, Platonis, nec ea forma, qua illi fuerunt? Quomodo ergo illi? Et quorum imagines? Orpheum poetam docet Aristoteles numquam fuisse, & hoc Orphicum carmen Pythagorei ferunt cujusdam fuisse Cercopis. At Orpheus, id est imago ejus, ut vos vultis, in animum meum sæpe incurrit. Quid quod ejusdem hominis in meum alia, alia in tuum? quid quod earum rerum, quæ numquam o-

## PSYCHOLOGIA.

mniò fuerunt, neque esse potuerunt, ut Scyllæ, & Chimeræ? Quid quod hominum, locorum, urbium, quas numquam vidimus? quid, quod simul ac mihi collibitum est, præsto est imago? Quid quod etiam ad dormientem veniunt invocata? Tota res, Vellei nugatoria est: vos autem non modo oculis imagines, sed etiam animis inculcatis. Tanta est impunitas garriendi. At quam licenter? Fluentum frequenter transitio fit visionum, ut e multis una videatur. Puderet me dicere non intelligere, si vos ipse intelligeretis, qui ista defenditis „.

436 Quidam cartesiani ut nodum solverent, ideas omnes, quas humana mens tempore acquirit, ab initio ejusdem creationis a Deo inditas esse ipsique innatas contendunt; quarum excitatio ab objectis in sensu incurrentibus omnino dependeat, sitque veluti evolutio quædam notionis in mente existentis. Europa idea jam indita etiam tum erat menti meæ, quum Guanaxuati anno 1748 conceptus, ac editus fui: dormiebat tamen, ac sicut ignis particula in silice convolvuntur, quin erumpant, nisi ad percussionem chalybis, sic idea illa Europa, ac omnium rerum hæc tenus in ea visarum, tantum excussa fuit anno 1768, quum primum ad oram Lusitanæ casu appulsus, in conspectum venit Europa. Sunt aliqui ex hujus sectæ doctrina, qui putent, quasdam tantum ideas innatas esse, puta Dei, axiomatum, honestatis, substantiae, veritatis, quippe nulla imagine corporea menti sistantur: ceteras vero ope sensuum ab objectorum impressionibus acquiri.

437 Socratica mihi hæc videtur sententia, pace detorta; qua ille philosophus, animos nostros ante conjugationem cum corpore præexistisse affirmabat; ac omni idealium genere instructos in hunc mundum venire, in quo scilicet ejusmodi recondite notiones paulatim evolvuntur. Pluribus in hanc sententiam insurgunt ejus adversarii. Ajunt enim 1. Si idea innate sunt, cur non omnes eodem modo res omnes percipiunt? cur idemmet intellectus pro diversitate distantiarum, ætatum, situs, valetudinis, circumstantiarum, idem objectum diverso modo percipit? quare idem objectum diversimode a qualibet sensu percipitur? Cæcus sanè colores tactu cognoscit, ac discernerit: diversa tamen notio ipsi respondet, ab ea, quam habiturus esset postea, visu recuperato. 2. Parum solliciti debent esse harum notionum innatarum cartesiani, qui putant, res externas sensus affientes esse causas occasionales idealium a Deo in anima productarum. Quare enim hanc productionem Deus anticipet, qui tandem, occasione posita, illam producere, aut evolvere debet? nonne hoc esset longiore via iter confidere, quum brevissima

suppetat, creandi data occasione? Sanè qui causas verè efficere contendunt, hoc recursu ad ideas innatas pōtentem sibi extruerent, ut saltum illum perdifficilem a corpore ad animam quodammodo faciliorem redderent? Cartesianos verò, qui a Deo omnia immediatè produci asseverauit, ad ideas innatas confugere incongruum videtur.

433 Schol. Non raro usurpare solemus loquendi modum a cartesiano non absimilem, ideam Dei, justitie, veritatis, beatitudinis amorem inditum nobis esse affirmantes. Hoc tamen aliud nihil intendimus, nisi ita natura comparatos nos esse, ut statim, propositis ideis harum rerum, quasi sponte in illas feramur; quin notiones hujuscemodi innatas, & convolutas in anima nostra existimemus. Hoc sensu ideas innatas dari, omnis qui materialista non sit, facile admittet. Conditio enim hæc est humani generis a supremo Autore sic comparati, ut ideas sui, ordinis, virtutis &c. quasi primo intuita percipiat, sequatur, amet. Hoc argumentum præclarè versat Tullius in lib. 1. de legibus: hoc sensu Monteirus ideas has innatas propugnat, nec nos admittere gravabimur.

434 Nicolaus Malebranchius aliam viam arripuit, qua ad solutionem obscurissimi hujus problematis deveniret. In Deo rerum omnium ideas existere ac representari, res est ferè omnium philosophorum, ac theologorum suffragio comprobata. Animam nostram ab essentia divina undique diffusa intimè penetrari, atque, ut ita dicam, absorberi, ab immensitatis divinae notione habemus. Enī igitur quomodo per Malebranchium rerum omnium, quas percipit, imagines animus intuetur: in divina nimirum essentia, ubi hæc ideas omnes representantur velut in speculo, has ideas speculator animus, Deo mentem irradiante, ac per intimam communicationem ostendente archetypas illas imagines, qua in mente divina existunt.

440 Vix in lucem ediderat Malebranchius hujusmodi opinamentum, quum plures in ipsum insurixerunt philosophi, Arnaldus, Locke, Poietetus; quos deinde sequuti sunt, qui recentius scriperunt. Probare sane ipsum oportebat validis argumentis tam inauditum systema; quibus tamen prorsus destituitur, nec aliam ferè pro se rationem adducit, nisi in hoc opinandi modo difficultates, in quas alii impegerunt, emolliri. In alias verò maiores incurrire, contendunt ejus impugnatores. 1. Explicari nimirum in hoc systemate agrè posse, quare non omnia in Deo videamus: cur atate, studio, labore notiones intellectus perficiantur, augescant, dilucidentur: cur proiectioribus annis infirmentur, minuantur, oblitentur: cur denique tot vicia, falsitates, errores &c. in ipsas

ipsas irrepant? 2. Id Malebranchius supponit, quod a nullo unquam philosophorum comprobabitur, qui pantheista non sit; animam nimirum Deo esse unitam, propter illam intimam præsentiam, qua in ipso vivimus, movemur, & sumus. Si hoc verum esset, innumera sequentur absurdia, quæ nec ipse Malebranchius admittet. Deum scilicet esse animam mundi; nos omnes composita quadam esse divina, ob unionem intimam cum Deo; in hac vita beatifica illa visione frui, qua non jam per speculum in enigmate, sed facie ad faciem res in Deo contemplamur &c. 3. Loquendi modos tum Scriptura, tum PP. præsertim Augustini, quos conglobatim adducit, metaphorica sunt loquitiones, quæ rem metaphysicam non conficiunt.

441 At, inquit illustris hic philoponus, intestina anima cum corpore conjugatio, intimam illam, quam habet cum Deo, non ex æquat. Nam a corpore sejungi potest, a Deo illam completere non potest. Anima igitur intimè Deo copulatur; ita ut in ipsa ejus essentia intuiti omnia possit. Nulla, inquam, hæc ratio est ad probandum priorem deductionem. Nec enim quæcumque conjunctio intima, copulationem illam inducit, quam unionem vocant philosophi. In loco esse, ac eidem esse unitum, duæ res sunt toto cœlo distantes: prima est pura assistentia, sive compræsentia duorum entium; altera compositionem, qua duo in unum suppositionem coalescunt (434), necessariò inducit. Dicesne, Deum nobiscum unam personam efficere? Non puto. Hæc igitur intima præsentia, nullam unionem Dei cum anima inducit.

442 Cartesius, & causarum occasionalium defensores originem idearum a Deo immediate ideas in anima producente repetunt, occasione data pulsationum ab objectis, in organa agentibus, impressarum. Et quidem hæc opinatio legitimum corollarium est systematis causatum occasionalium, commercium animæ cum corpore per assistentiam Dei explicantis. Verum hæc sententia eidem subjetat difficultatibus, quibus altera, cuius est corollarium (426), quin opus sit eamdem crambem recoquere, eas iterum in medium producere.

443 Demum Joannes Lockus, & cum eo plures alii influxus physici assertores medium quamdam viam inter peripateticos, ac innatarum idearum, aut a Deo impressarum assertores tenere videtur. Censem enim, ideas omnes a mente ipsa confici, sensum adminiculō, meditatione, & conjectura; quin opus illi sit ab objectis externis simulacra illa, ac species impressas recipere, quarum expressio sit ipsa mentis perceptio typum impressum exprimitis (434). Quo clarius, ajunt, ac vividius res sen-

## DISSERTATIO III.

sibus percipimus, eo clariores in anima respondent ideas, ac distinctæ magis: contra verò a rebus absentibus, aut leviter sensus commoventibus, tenues, obscuras, confusas perceptiones excitari comperimus. Deinde idearum nostrarum supellecilem frequenti sensuum applicatione augeri videmus: quod si sensu aliquo destituamur, aut munere suo ritè non fungatur sensus, notiones ipsi respondentes nulla, aut imperfectæ existunt. Nam, ut communne fert adagium, *cœsus non judicat de coloribus*. Tertiò perceptionum dixitias augemus industria, sensus videlicet ad majorem vim provehentes ope instrumentorum, quibus ab objecta nihil, aut parum sensus afficiant, proprius acceditus; ut sunt telescopia, microscopia, conspicilla &c. Demum alias ideas, quæ extra provinciam sensuum existunt, reflexione, attentione, comparatione, abstractione ab ideis jam obtentis formari, facile quisque sibi persuadebit, si ad notiones, quæ magis a sensibus remota videntur, animum advertat, ac earumdem analysism instituat. Vide dicta art. 407.

444 Gravibus etiam hanc sententiam urgeri difficultatus, quidquid pro illis emolliendis laboraverint ejus propugnatores, ex dictis art. 427, & 428 manifestum est. Si enim physicum influxum eo sensu accipiunt, ut e fibrillis commotis in animum motio quadam redundet, quæ ideam efficienter producat; id demum *incorporalitatem* anima mibi, nisi plumbeus sim, convellere, luculenter videntur. *Actionem* enim, & *reactionem* inter duo entia, nisi ejusdem naturæ sint, agnoscere, qui metaphysicus sit, concipere valeat. Sanè id mihi accidere confiteri non erubesco: per spicioribus ingenii fortassis id non continget: nimur illi, qui sit

*gallina filius alba:*  
*Nos viles pulli, nati infelicibus ovis.*

445 Hinc jam ad alteram questionem ventum est, utrum ideas sint a perceptionibus distinctæ: videlicet, num imagines illæ, quæ menti sistuntur, distinctæ sint ab ea animæ modificatione, seu statu, quo e non percipientes ad rem cognoscendam transivit. Arnaldus, & Malebranchius singulari certamine in arenam descendunt, ut hanc item dirimerent; altero distinctionem asserentes, altero res tantum modo nostro concipiendi diversas, revera distinctæ esse negante. Suppetit Malebrachio iuit Genuensis, Arnaldo plures alii. En quo nituntur fundamento, qui ideas a perceptionibus distinguunt. Anima ideas simplices creare sibi non potest: posset enim tuas, quas vellet, rerum ideas habere: enimverò si ideas creare non valet,

aut

## PSYCHOLOGIA.

aut subjectum idearum passivum erit, aut ideas distinctæ sunt a perceptionibus. Nam aut ideas excipiunt; aut non. Si primum, quum illæ, ex hypothesi, sint una, eademque res cum perceptionibus, adeoque cogitationibus omnibus; omnes quoque cogitationes excipiunt; quod est passivum subjectum esse: quod si non recipiat, aut sibi creat, aut cogitatio quid distinctum est ab ideis. Habes Genuensis argumentum, ut ideas a perceptionibus distinctas esse conficiat.

446 Ni fallor, omnis hac controversia in id demum recidit; utrum organi motiones sint, aut imprimit in fibris imagines illas, quas anima, dum cogitat, videre sibi videntur; an verò mens a fibris excitata, quocumque id modo fiat, percipiendo res in organo agentes, hanc imaginem sibi effingat, quæ sit ipsamē mentis modificatio, ac, ut ita dicam, ipsemē tactus anima interior? Quocumque tetigeris, ulcus est. Qui enim concipi potest, fibrillarum motiones hujusmodi imagines esse, quas anima in phantasia depictas intuetur? Motionesne fibrillarum penicillis similes sunt, qui figuram aliquam depingant? Si hæc ita essent, res exilissimæ formæ ac molis apparerent; in cerebro enim eo modo depingerentur, quo planities latissima in angusta tabula pingitur. Deinde impressæ remanent? an dum recordamur, iterum refinguntur? Si primum, in id incidis, quod art. 362 explosum a Tullio est: que enim tanta capacitas cerebri, ut in illo tot miryades miryadum hujusmodi imaginariorum conserventur? Jam si secundum asserueris, a quo demum artifice hæc simulacra iterum pinguntur? aut quomodo organum motionem illam renovet, a qua pictura instauratur?

447 Quod si perceptions mentis nihil aliud esse affirmes, quam modifications animæ objecta repræsentantis, conceptu difficillimum videtur, quomodo hæc representatio in anima fiat. Est ne aliquid ab anima substantia distinetum? En incidis in Malebranchii sententiam, idem a perceptione distinguentem; certè perceptionem ab anima substantia realiter distinctam esse, ex hac opinione deducitur. Evidem si perceptio est repræsentatio objecti, quum hoc adventitia sit, adesse, ac abesse possit, anima substantia nihil mutata, ab ea realiter distinguatur, oportet (36). Sanè nulla alia ratio modificationes substantiæ materialis ab ipsa distinguendi appetet, nisi hæc separatio, sive separabilitas modorum a substantia, cuius sunt modi (73). Muta nomina; distinctionem modalem voca (ibid.): *numerica* etiam dicitur inter duo individua ejusdem speciei (Log. 19), quæ realiter distinctæ esse, nemo inficiatur.

448 Doctus quidam auctor, Part. 2. Met. Læc. 3. Prob. 17. hec habet: „Si inter mentem, ejusque actus nulla esset distinctio, omnes actus animæ pura essent animæ natura, & essentia; & quod inde consequens est, ubicumque esset anima, vel in materno utero, in cunis, in somni essemus, omnes illic essent, perinde ac in vigilia, nostræ ideæ, & ceteri omnes mentis actus: quidquid enim anima est, quin ab illa distinguatur, ab illa numquam separatur. Nulla præterea esset novarum idearum comparatio: nullius rei ideam novam tempore, studio, mentis aut sensuum usu anima nostra acquireret. Quid enim? Se ipsam ne anima acquirit &c. „ Deinde ad explicandam idearum a mente distinctionem, sic insistit: „Ex una parte hujusmodi actus aliquam ab anima distinctionem habent, non sunt pura animæ substantia: aut igitur sunt res ab anima distincta, aut ipsius modificationes: nihil est medium: si ergo actus illas res alias absolutas non esse probavero, propositionem evincam. Ita vero res est . . . Argumenti summa est; mens nostras actus proculdubio product: quum igitur quæcumque res physica e nihilo extracta, nomini per creationem efficiatur, creandi vero virtutem, neque anima, neque creatura alia, sed unus habeat Deus; aut nihil agit anima, aut ipsius actus res nova non sunt: agit vero proculdubio anima: illius prouide actus ab animæ substantia non quidem re, sed modo tantum distinguuntur. „ Quan- nam autem hæc modalis sit distinctio, que effectus omnes distinctionis realis habet, realis tamen non est, satis vide non possum.

449 Corol. Ex dictis manifestè consequitur, commercium animæ cum corpore, originem, ac naturam perceptionum, sive idearum, arcanum esse menti humanae, dum in hac vita mortali degit, prorsus inaccessum. Effectus quidem hujus commercii adeò manifesti sunt, ut quæ difficile sit homini persuadere, se non existere, quam intimum inter suum corpus, & animum commercium non intercedere. Hoc enim ab ipsa intima conscientia edocitus, tanta perspicuitate cognoscit, ac se cogitare, & sentire. Hic nimirum, ut sepe alias, duo extrema opposita nullo ferè intervallo conjunguntur; summa videlicet perspicuitas, cum obscuritate summa. Me cogitare, sentire, velle, evidentia maxima cerno; quomodo cogitem, sentiam, velim, tam mihi obscurum est, quam quod maximè. I nunc, & rationem tantum ducem, contempta revelatione, in religionis negotio consestante.

## CAPUT OCTAVUM.

*De humana voluntate, ejusque proprietatibus.*

Hæc tenus, quæ ad humanam intelligendi facultatem specent, tradidimus, ea brevitate, quæ ad institutis nostri rationem maximè conducere videbatur. Jam ad alteram animi nostri facultatem gradum facimus pari brevitate, quæ graviora sunt, hujus tractationis capita exposituri. Nec est quod in humana voluntatis existentia demonstranda immoremur. Ab intima conscientia id nobis adeò persuasum est, quemadmodum nos cogitare, & sentire, ac in mundo degere. Quis enim umquam animum ab aliis objectis se avertentem, alia verò prosequentem non sensit? atqui hæc genuina voluntatis notio est, quæ facultatem hanc animi nostri indicamus, objecta amore, aut aversione respicientis. Pluribus sanè id nominibus indicare consuevimus, prout exercitium voluntatis nostra objecta diversimode respicit, de quibus singillatim jam sunc acturi sumus.

## §. I.

*De objecto voluntatis humanae.*

450 Quemadmodum intellectus noster suo peculiari modo objecta respicit, ita tamen, ut verum sit id, quod præcipue in suis cognitionibus requirat; sic voluntas suo modo tendendi in objectum bonum est, quod maximè intendit. Bonum autem, vel absolutum est, vel relativum. Primo modo consideratum est omne id, quod aliqua perfectione donatum est: altero, prout ad nos referatur, finibus nostris aliquo modo conductus. Quod quidem est præcipuum voluntatis objectum; siquidem est id, quod directè eam respicit, illamque quodammodo perficit. De bono igitur relativo ea, quæ dicturi sumus, præcipue intelligenda veniunt.

451 Malum absolutum nullum existere, planum est ex dictis art. 57, quoniam ens nullum transcendentali bonitate destituitur. Malum relativum illud dicimus, quod finibus nostris opponitur, nosque imperfectiores reddit. Hoc autem dupli modo evenire solet: aut enim revera id contingit, tumque verum malum dicitur: aut apparente tantum est, quia scilicet tale illud existimamus, toto cælo, ut fit, a vero aberrantes, quod reapse malum non existit. Hoc pariter in bono etiā relativo contingere, experientia quotidiana monemur.